

## Jud

<sup>1</sup> Nai Jud, Jesus Kristus inanen urat pinein, nai Jems tein.

Anj ensauta a Anut igian an, Bai Anut anj ninemi wo imat mok go, Jesus Kristus injen anj kagin ipananj dan, ninemi wo nai girek en anjam na njiganeg ipalu da.

<sup>2</sup> Anut inanen ilo munanek, ilo maror agod tamolpein aenta ninedi wo amat san anj lo awan isap yen a.

*Tamol a Anut san kagin ta diri dupani na dan sad pitinjinek*

<sup>3</sup> Nai turag muroug, patu pasek e anj manj da sisem tabig tumado den san fun njigire wo nai yaes isofutanag da. Gug nai ilog isoug gamu ru senamo njigire wo da. Ilo rumok e id gun adi tabi den, Anut injen saen kisaek o lian id banid lo igane yan man id ta tibileksa na wa. Fun amaiak ninen o, idsad ilo rumok abalgirani san ninen wagai agane wo ru kagin njupananj da.

<sup>4</sup> Man dugo, tamol aenta mianuk lo mi anj Kris adi lulujan lo disadu ya. Tamol amaiak Anut wagam mok, inanen girek lo, daonj panek dinjane san o ipilianai a. Inj Anut san kagin ta diri dupani na dan, Anut san ilo munanek dibilisag mel naon senamo geig ilasa ya. Inanen ilo munanek ipanad dan san fun man, tinid san ilo masa mi ka turi tupani wak ago dubol da. Ak ninen o inj jeit kagin digane dan Anut uyan ipidinai ak ago dubol

da. Agod Jesus Kristus, Tubun en inſen Kinj an in dumoi da.

<sup>5</sup> Anj mel en alonj fufei la ya, Anut wagam Isrel injal go Igipta dubiseig diau a. Ago bo man murnag tamolpein sauta a ilod lo ta rumok na yan Anut ipitiſinai a. Anſem alonj la yak gug, kulob naok an anj fon mi ilom isafulale san njabol da.

<sup>6</sup> Gubak mi enjel sauta, injaned urat malan te yan lo dumado san dumoi a. Anut urat an ipidinai a, ago gug digane san dumoi go aben an dubisei tag, Anut sein nam isubanaig nal fidian tidom tubun lo ago dumado wo ibol a. Ante dumado dop yaup nal tubun ak san saen ilasa dop Anut bitinaek lo idirai a.

<sup>7</sup> Nek ibol Sodom inj Gumora da, agod taun a panu uraru giraned na yan sad tamolpein, enjel adi a jeit kagin digane na yak ago mi inj dam ago digane ya. Pein inj tamol da sad ilo masa san kagin an dibiseig, tamol inj tamol da sad ilo masa san kagin diri se yan lo aupasek an dam digane ya. Amaiak ninjen o Anut aupasek an naon yai pempem yen yau san lo imiriaig inanai pasik a, an man mitilaen ru kagin ipanad san igo ya.

<sup>8</sup> Dal naok an lo mi, tamol an dienamin dop lo sed irawaip tinid dukubuli da, gurman a Anut ipilianai an ninedi wo dumoi da, agod enjel girager amad da yan patud fo uf digane da.

<sup>9</sup> Ak gug saen enjel gurman Maikel inj Satan da nug dupei, enti Moses san sisanun inane wa, inj se pitianoſi kagin lo sen yabisa o irer an lo inſen ilon nam misilanek ru lo ta yabi idu na ya, tia, inj igo ibol, “Tubun en inſen imisilano wa, njai man tia ya.”

<sup>10</sup> Gug tamol an mel dugo ta dulong na yan dumisilani da. Agod tinid san melmel a, ibol mel kasik ilod tia yak igo, inaned ilod iduduwai dop lo dulong dak igo, tamol nek an dal kisaek an mi lo dulong dugo digane da. Gug melmel nek a dulong amaiak daon ipidinaip ipitiñinai a.

<sup>11</sup> In kagin digane wa! Man dugo, in man Kein san njen aban duri da, moni diñane san man Balaam san aupasek lo diladu ya, agod nek ibol Kora wagam Anut awan lo ipirgini tag daon tubun ak ipani a, nek ago mi tamol an dam daon naon kisaek an mi diñane wa.

<sup>12</sup> Ansam ilo panek san soubul lo in man ibol lad luon kasik ak igo ya. Kabelan an fo Kris tamolpein diñaon dop disida banau. Anut ilo sou an ta digane na dop sed ifutuwai da. In nek ibol tim ifurep, timtaen isini yau dak igo won a, gug ui ta isi na da. In ibol ai igo ya, nunodi ifu san saen lo nunon ta ifu na dak igo ya, ai an dam dubulani a, fun an ninen o in saen uraru imat a.

<sup>13</sup> In ibol beig bururuk anda yak igo ya, insinated kagin san miai an ibol beig ibalsunig sabalbal an ilasag kuai isi ak igo ya. Go in man ibol patui keit lo gidigheid dutor dak igo mi a. Tidom tubun aben a lo na pempem dumado san an Anut ikubune pidinai la ya.

<sup>14</sup> Enok, in Adam san dar lo ipalug bagen seven lo ilasa ya, in tamol saiadi an ninedi wo profet ru igo ibol, “Ale. Anut inanen enel gun ak tausen wei geig dida dupalu wa.

<sup>15</sup> Amaiak lo, in tamolpein fidian ru lo idiraip inaned naon ipidinai a. In tamolpein fidian a Anut san kagin ta duri dupani na dan, kagin an lo kulob

saiak saiak digane na yan niŋen boum ipidinai a. Agod aupasek adi a Anut san kagin ta duri dupani na dan, iŋ mi lo misilaneŋ ru fidian dusue se yan lo, iŋ dam naon boum ipidinai a.”

<sup>16</sup> Tamolpein an ŋurŋur tinadi a, iŋ melmel fidian ilasa dan uyan ta dupani na da. Inŋsad ilodi fidian man nek dal saian an mi duri wo digane da. Iŋ sed ipitianai dan lo awad tubun mi diŋiŋeŋ da. Agod aenta inŋsad dal an duri wo ilo ŋilaŋal ru dubol da.

### *Anŋ ilo rumok abi sakar a*

<sup>17</sup> Ak gug ŋai turag muroug, ru imug Jesus Kristus inŋanen aposel adi dubol ilasa yan ilom isou wa.

<sup>18</sup> Iŋ ago dubol dugo aloŋ a, “Saen wadan lo dop, tamol dilasap kukok amam digane wa. Tamol naok an inŋsad ilo masai Anut san kagin ta iri pani na da. Inŋsinaned ilo masai an mi duri da.”

<sup>19</sup> Tamolpein nek amaiak iŋ Kris midaeŋ biatitek lo didirai da. Iŋ tan en san tamolpein sad kankan mi duri dupani da. An lo Awan Urgun iŋ ilod lo tia ya.

<sup>20</sup> Ak man ŋai turag muroug, saen fidian aŋanem ilom bubem dabai pe, aŋanem ilo rumok gun geig an abi sakar. Agod saen fidian aŋ Awan Urgun san dabai lo agudani wa.

<sup>21</sup> Anŋ sem ititiananŋ o uyanan dop Anut san ilo panek ilon lo amado wa. Anŋ ago agane dop mala nouk amadop, idsad Tubun ak Jesus Kristus inŋanen ilo muŋaneŋ iganep kuai te ilasap, an lo inŋjiliad pe kumaen pempem yen san lo tau a.

<sup>22</sup> Ensauta a idsad ilo rumok niŋen ilod weiwei dan ilom imuŋanai a.

<sup>23</sup> Tamolpein aenta yai lo dumado dan, abinawai dop anjal saltik onj a. Aenta inaned ilo masa lo ilodi nun anda yan, ilom imujanai dop abinawai a. Gug niñedi wo arer dop, sem kagin ipanañ o uyanan a, kabelan inşad dal an lo au banau.

<sup>24</sup> Anut anj ititianañ siñaokan dop, au adu san tia ya. Inj ka anj injilian pe aup youm isa dop, muruan tiap inşen naon na girager an lo atur a.

<sup>25</sup> Anut kisaek en mi patud ipasi san, Jesus Kristus idsad Tubun ak lo yañan tabisa wa. Inj Kinj girager aman da, imug imado ya. Agod dabai tubun ak aman da ya. Inj melmel fidian sad gurman imado da. Inj gubak mi imado ipalug, gamu dam mi imado da. Saen murna dop, ago mi imado yau a. Rumok.

**Anut san bilalug foun**  
**The New Testament in the Takia Language of Papua**  
**New Guinea**  
**Nupela Testamen long tokples Takia long Niugini**

Copyright © 1999 The Bible Society of Papua New Guinea

© Faith Comes by Hearing

Language: Takia

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-12-11

---

PDF generated using Haiola and XeLaTeX on 18 Mar 2025 from source files dated 31 Aug 2023

757b3e4e-2023-5b45-893a-ee9294ddeb9d